

齊東縣志書



新修齊東縣志卷之七

齊東縣知縣余爲霖纂

藝文編

文非華藻之謂也或以紀事或以志人或以表山川之勝或以彰學問之奇當其觸心應手真不啻風雷之激而雲霞之蒸有煥焉不可掩沒者則見藝卽以見道也前志所載雅俗並收真僞相半非盡文之不可傳也卽字句光華比屬倩麗何關於

登記號 77522

38年3月11日

913712
0050
5

事何關於奇勝哉予泚政之暇披新閱舊去穢刪
繁凡政教有裨者手著之散軼可錄者收輯之切
要者因仍之荒謬者訂証之先以記示不忘也次
以傳示可久也繼之以序而本末詳約之以銘而
鑒戒悉他如生順歿寧之理類見於志幽人韻士
之致備形於詩多不厭詳少不嫌畧俾讀是編者
流連百代之盛追維賢哲之林或借以憑吊山川
或因以發揚學問則文之裨益豈淺鮮哉則此編

謂之載藝可也謂之載道可也



記

始建學碑記

元李謙

夫子之武城聞絃歌之聲笑曰割雞焉用牛刀子
游對曰偃聞諸夫子君子導道則愛人小人學道
則易使也夫子是之至謂前言戲之耳縣無小有
民人社稷均南面子男之君其職以承流宣化爲
務不先之以教化可乎此建學立師所以不可緩
也齊東在前代爲一鉅鎮隸淄州國初鄉豪割壤

送相雄長及天下既平升鎮爲縣隸河間爲宗室
其民錯居而商稅則本縣實同之士俗以蚕織爲
業通功易事懋遷有無以贏什一之利致貲巨萬
者非可一二數往往徂于素習唯知趨利而已監
縣侯探馬赤者其祖曰不魯不花曾爲本位斷事
官歲奉命撫安居民父不剌阿土官敦武校尉充
縣達魯花赤兼管諸軍與魯勸農事至侯襲其世
爵來蒞是邑溫恭愷悌好賢樂善居任既久知其

舊染當漳不可無教慨然以興學爲己在縣故有
大成殿壓隘卑陋不足以展禮容乃行跡城北隅
得隙地三畝有奇屏菑翳畧基址峙糗糧具財用
陶瓦甃躬率僚吏過巨室之門開諸義理而告之
話言以故人樂輸所有而不之吝經始罔亟必俟
其三農之隙而屬役焉且親操畚鍤爲之倡以冀
衆勇于趨事而忘其勞侯董蒞其事經營締構歷
十寒暑始克迄于有成廟制弘偉節稅輸與爲勞

郡學宮之冠象設端嚴彰施足徵爲講授之堂于
其後匾之曰資溪旁刻四齋曰惜陰曰時習曰切
問曰近思招集子弟秀民以教諭之是役也糜楮
幣無慮二萬緡賢無神門以次興作主簿周砥教
諭馬克敬實相之前教諭夾谷元素不遠數百里
暨門來謁曰齊東之爲縣自國朝始齊東之有學
自我侯始不可無記敢請予嘗謂庠序名教之地
人材所從出聖天子尊道勵學崇化厲賢詔數及

之所在守土之吏奔走從事惟恐其後今庠序遍
天下教事粗舉然間歲滋久未聞有特起之士經
術文雅輔贊治化者何也無乃開導訓飭有所未
至耶抑三物賓興有所未盡耶殆所學非所用所
用非所學學者之心趨所易而舍所難徼近利而
忘遠圖此其所以不能振厲興起者也雖然天理
民彝性所均賦六經載道格言具在矧藏修有所
講求有師誠能朝益暮習優柔厭飫安知不有博

吏房 各二間 在東西夾道兩

縣丞衙 在太堂西北久廢

主簿衙 無考

典史衙 在大堂南久廢

公館

布政司 在縣治西北久廢

按察司 在儒學東久廢

公館後改察院 在縣治南久廢

門庶繼而曰堂曰庖亦不乏人歲月久不無廢圯
今邑尹鄭侯以前作者心爲心惻然于中監簿慕
亦贊其成計庸度費捐俸揮金易弊而新是圖乃
理傾葺漏飾垣壁丹楹闔綠其疏而加之槩鳥鼠
去而風雨除旣雄且麗愈嚴奉祀之歸筆役于至
元丁丑秋九月四日就工于是月之旣望邑文學
魏君士文欲刊諸石以開來者請予言而志之余
聞吾道之在天下若水火菽粟布帛不可一日無

無則饑寒立至不能一朝而爲天下主張綱維非
吾道其誰道也若吾夫子不幸生于春秋擾攘之
際心斯道身斯道口斯道而筆斯道以壽于無窮
雖沒千六百餘年之久而其道昭然如一日噫後
之學者果能游息于是而仰夫子之容儀有所感
發而興起焉請自茲而張本邑人李惟彥謹記

聖惠泉記

元中丞張養浩

延安邑有井在宣聖廟旁始邑無學至元壬辰成

君輔之倡邑人經始焉既成遊者寢盛嘗病遠汲
相與度地鑿井得泉而甘歲曰茲邑居者多矣其
爲井二十所水皆鹵而茲泉獨甘殆地靈耶抑諸
君感聖賜耶不然何秘於昔而發於今遂名其泉
曰聖惠汲旣便邑中抱甕者駱驛不絕歲久弗治
邑人楊均等與成君之子守智滌焉而井復舊儒
生傅澄以名泉之意與其事顛末走書京師以記
爲請嘗試爲之語日子亦觀夫水乎一勺之多不

息其迹放乎四海學者之志於道也苟不息漸進
之功有不壹壹成章而達者乎嘗讀易而得其義
矣易井之象曰木上有水井井泥不食以至井冽
寒泉食向非有六四羸脩之德則終亦無食而已
矣蒙之象曰山下出泉蒙君子以果行育德夫既
言德行矣果育誠何事哉聖人遠矣二三子誦其
書繹其意以求其所以學學以致道聖人之嘉惠
者不亦津津而不窮也耶至元五年中丞張養浩

記

德異泉記

明林瀚

齊東學宮之南舊有一井埋塞不食爲歲旦久成
化已亥江都趙君廷光宰是邑循良之治壽爲山
東首稱民咸歌之間詣明倫堂程試諸生爰矚斯
井之塞而詢其由衆曰鹵故也趙曰噫盧城之井
苦而復甘在昔可考試一浚以驗何如遂命役人
出其泥濊至五六仞方始及泉泉冽而寒飲者甘

之汲者良以爲便凡邑父老皆扶攜聚觀且歎曰
此吾侯德政所感也不然何斯異泉特爲吾民出
耶請名之曰德異夫井德有常初無甚異惟茲變
苦爲甘則山川靈秘轉移之機不有所感召未必
然爾是知非井之異乃政之異非政之異乃德之
異也嗟夫合浦玄珠以孟常復還中牟飛蝗以魯
恭不入感化之妙一而已成化十八年尚書林瀚

記